



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDLXXXIX.

urn:nbn:de:hbz:466:1-42840

ta cum lachrymis, En meus, inquit, filius miseram relinquit: intercedere vos, & vestris apud DEVM precibus abeuntem retinete. Admonent nostri, spem in DEO omnem, ac Deipara collocandam. fecit nihil hæsitans. mirum dictu: eo ipso temporis puncto retroagi moribus cœpit; & alleuari adolescens. Alia ibid. nostri hortatu orare B.V. & sperare iussa, ad B.V. imaginem manus tendens: DEI Mater, inquit, sanitatem petenti restitue, vt valenti corpore, & animo valeam tibi in posterum deseruire. Nec vanam fuisse fiduciam fides valetudinis firmavit. Petenda nobis est à DEI Matre fiducia, & ardor ille amoris; è quo illa proficisci consuevit, atque id flagitandum est etiam pro ijs qui à nobis opem petunt; vt non solum nostri, verum eorum etiam qui ad nos pertinent curam suscipiat. Hoc agebat S. Cath. Senensis Virgo illa diuinitatis instinctu plena cum ad B. V. diceret: *Rogo te pro dilectissimis filijs traditis à te mihi, vt ignias eos, ita vt sint carbones non extincti, sed ardentes amore charitatis tuæ, & proximorum.*

ANNO MDLXXIX.

310 Neapoli quidam (aiunt literæ huius anni) pian vitam egerat diu; quam paulatim in tepefcens etiam posthabuit; hoc iam deterior, quod non vitijs modò prouehabatur, sed & prauâ animi contentione. Adit ad eum ingrauescente valetudine vnus è nostris, quasi per officium: persuadet, vt ex veteri consuetudine confugiat ad auxilium DEI *Matris*, & Sanctorum, quos patronos olim habuisset. Nec frustra, reuocatur Sacerdos (cùm tamen æger aliàs de confessione monitus dissimularet, seu negligeret) demum æger sanctissime expiatus decedit è vita. S. Ioannes Damascenus, *Hic*

Duros
corde ad
B.V. re-
mittere.
Vid. Incis
n. 64.

orat. 2. de
Aff. B.V.

peccatoribus; inquit, *syngraphæ lacerabantur*. Illa cum Sanctis nostris quibus curæ sumus faciet, & nostrorum quoque peccatorum *syngraphæ lacerentur*. Quare ij qui duri sunt, ut conuertantur ad cor, ad illam, & ad Sanctos mittendi.

pag. 23.
Societatis
candidatos
Deiparæ
commendare.
2. Jan.
Incitam.
Grac. n. 65

311 Etiam eos qui ad Societatem aspirant cordi esse Deiparæ expertus est æger Sodalis ille qui se ordini nostro aggregare constituit, de quo, quid à Deipara sit beneficij consecutus, videnda sunt Neapolitanæ annuæ; quæ postea etiam addunt Deiparam ab illo inuocatam, & ab ea febrem illi depulsam. S. Ioseph Græcus in Menæis, *Salve ait ad Virginem, ò cadentis mundi erectrix, Salve remedium doloris!* Ex huius manu sumenda est medicina quæ nobis ægris offertur.

ANNO MDC. 312
312 De ea quæ accipio è literis Domus Professæ Neapolî. Matrôna nostri Ordinis studiosa, cum longè ægrotaret ab Vrbe, & consumptis viribus non longiùs à morte distaret, cupiebat extremum spiritum effundere in aspectu nostrorum. Tum conuersa ad imaginem Dei Genitricis, ei consimilem quæ colitur nostro in templo: *O Iesuitarum, inquit, Virgo, impetra mibi à Filio tantulum vitæ, ut te renisam! moriar libens*. Quare cum admirabilem cepisset spem in animo, corporis quoque valetudinem recipit. Etiam ea quæ in Sodalitate in effigie suâ colitur Virgo Sodali ibidem multifariam salutaris fuit: quod vide in annuis. Non vanum fuisse visum, obtemperantis exitus ostendit. Dicamus hîc id quod S. Isidorus Archiepiscopus dixit ad Virginem: *Propter te percipitur si quid in hac vitâ incundum est, & ineffabilis futuræ vitæ letitia nobis conceditur*.

Nostris
in tēplis
cultam
B. Virginiem
in-
uocare.

Vid. Incit.
n. 66.

orat. 4.